

# *NDZA SWI TIVA*

 Hakunene hi vanhu lava nga na nkateko ku va lahawani mixo lowu, ku va hi hanya emisaveni, ku vona nkarhi wun'wana wa kahle wa Paseka. Paseka hi minkarhi hinkwayo yi tisa nchumu wa—wa kahle swonghasi eka hina, mintshembho leyintshwa. Nakona—nakona hilaha swi nga kahle hakona!

<sup>2</sup> Nakona ntsena loko ndzi ri karhi ndzi nghena ekamareni le ndzhaku mixo lowu, un'wana u hlanganile na mina kutani a ku, "Makwerhu Branham, wa xi—xi tiva xihlangi lexintsongo, kumbe n'wana lontsongo kumbe un'wana, loyi a nga khongeleriwa eChautauqua lembe leri nga hundza, loyi a fanele ku susiwa mbilu ya yena, na minsiba kumbe swin'wana leswi a swi khomanile na yona." A ku, "Xihlangi xa kona xi horisiwile, nakona xi le muakwini mixo lowu, kahle-kahle, nakona xi tshamile kwala mixo lowu." Swingaleswi sweswo swi kahle, hi ta va na yumbhoni byintsongo ku suka eka swona ntsena kumbexana loko hi nga se ba xikhongelo lexin'wana. Nakona ntsena hi vanhu lava nga tsaka.

<sup>3</sup> Sweswi ndzi ta kombela Makwerhu Neville loko a nga kuma ku hlayiwa ka Tsalwa ka Matewu kumbe Luka, rin'we, ra ku pfuka, loko ku ri leswaku a wu se ri hlaya. U ri hlayile, makwerhu? [Makwerhu Neville a ku, "Ee."—Muhleri.] Swingaleswi, loko ha ha lulamisela xikhongelo.

<sup>4</sup> Kutani sweswi lexi nga ta landzela xikhongelo lexi, ku ta va xikhongelo xo horisa. Endzhaku ka loko xikhongelo lexi xi herile, kutani mi ya eka swifihlulo swa n'wina. Kutani, endzhaku ka sweswo, hi ta vuyela nakambe hi hafu ku bile awara ya nkaye kutani hi sungula xikhongelo xin'wana. Kutani swikhongelo swo horisa swi ta landzela xexo. Kutani swikhongelo swa nkhuvulo swi ta landzela sweswo.

<sup>5</sup> Nakona xana i nkarhi wa kahle njhani eka nkhuvulo! Oho, mina! Ku pfuka! Xexo hi xona xivangelo xa ku va hi khuvuriwa, hikuva U pfukile nakambe.

<sup>6</sup> Ndzi tsundzuka loko hi nga se kuma ndhawu yo khuvulela eka yona lahawani, a ndzi tshamela ku va yisa ehansi enambyeni lahawani, ka ha ri mpundzu, mimixo yo titimela ya gwitsi, kutani ndzi khuvula vanhu ehansi le nambyeni. Ku na swin'wana hi mayelana na swona leswi, ntsena, i nkarhi wo kwetsima. Paseka, i nkarhi wa kahle.

A ndzi ri karhi ndzi languta Makwerhu Pat Tyler loyi a tshameke lahawani.

<sup>7</sup> Ntsena a ndzi ri karhi ndzi vulavula na un'wana vusiku lebyi nga hundza. Leswaku, nhlengeletano ya hina yo hetelela

eOklahoma, ndzi ringetile ku, ndzi le ku ringeten i sweswi (nakona ndzi ta swi tivisa leswi) ku veka etlhelo kukondza Xikwembu xi ta ndzi vitanela ku wu endla, ministri wa mina wa khale wa vuvonisisi, hikuva ndzi ehleketa leswaku (wu le ku sungulen) i—i ministri wuntshwa lowu nga eku nghanen.

<sup>8</sup> Vusiku byin'wana, a ku nga ri na loyi a tiva nchumu hi mayelana na wona, ndzi wu ringetile eka n'wana loyi a ri karhi a ta ku tsemakanya platifomo, a tswariwile a ri bofu, xihlangi; nakona a xi ri bofu hi ku hetiseka, jaha ra kwalomu ka khumentsevu wa malembe hi vukhale. Kutani xikan'we-kan'we u huwelerile, "Makwerhu Branham, ndza vona!" Kutani kwalahaya, kutani Pat a ri... Ty... a yimile ekusuhi, kwalahaya na mufana, loko mahlo ya yena ma pfuleka ro sungula eka vutomi bya yena hinkwabyo. Swingaleswi ndzi tshembha leswaku n'wina lahwani, hi ku langutela lokukulu, na mina, ndzi languterile swin'wana, ku va Xikwembu xi hi endlela swin'wana, na ku hi tlakusela eka xiyimo xin'wana ku tlula lexi hi nga va xona.

A hi korhamiseni tinhloko ta hina sweswi eka xikhongelo.

<sup>9</sup> Tata wa hina wa tintswalo wa le Matilweni, tani hilaha hi hlengelataneke mixo lowu, lahwani ekerekeni leyintsongo etlhelo ka patu, ha khensa hakunene eka Wena, eka hinkwaswo leswi swi vulaka swona eka hina, naswona ngopfu-ngopfu emixweni lowu wa Paseka. Loko a ku nga va nga na Paseka, a hi ta va hi nga va nga eka xona xiyimo lexi hi nga eka xona namunthla. Leswaku, Paseka hi leyi yi nga lemela swihundla hinkwaswo swa Xikwembu. Yi swi tiyisisile eka hina. Xin'wana na xin'wna lexi Xi nga tshama a xi tshembhisa, hinkwaswo swi endliwile leswi hanyaka hi Paseka. Rin'wana ra masiku lamakulukumba ya ku tlangela lawa hi nga va ka na wona eka lembe! Nakona hi nga ha kombela, Hosi, namunthla, leswaku U ta chavezela timbilu ta hina loko ha ha tshama, hi rindzerile, na ku va ehansi ka ku langutela eka Moya lowo Kwetsima, Lowu nga ta endzhaku ka Paseka, ku ta ehenhla ka timbilu ta hina na ku hi chavezela, na ku tlherisela ripfumelo ra hina, hi mimpimo leyikulu ya matimba, leswaku hi ta famba vutomi lebyi Yesu a nga byi veka ximfumo leswaku hina hi famba hi byona.

<sup>10</sup> Hi nga ha khongeleta munhu ha un'we-un'we, nakona ngopfu-ngopfu eka lava va nga pfaleleka endzeni nakona va nga ta ka va nga fikeleli eswikhongelweni kun'wana na kun'wana namunthla. Xikwembu, u va na vona. Nakona ingaku—ingaku Paseka leyi yi nga va kumela Paseka ya xiviri, ku pfuxiwa emubedweni, na rihanyo lerintshwa leri va nga se tshamaka va ri tiva evuton'wini bya vona. Hi nyike swona, Hosi.

<sup>11</sup> Ingaku muchumayeri un'wana na un'wana, nandza un'wana na un'wana loyi U nga na yena ku rhendzeleka hi misava namunthla, loyi a nga eku tlangeleni ka xitsundzuxo lexi xikulu,

ingaku va nga va na ku totiwa na ntamu na Matimba, ku tisa eka tinhlengeletano ta vona (tinyimpfu leti nga rindzela) Swakudya leswi Xikwembu xi nga swi hlhayisela vanhu va Xona. Hi nyike swona, Hosi. Hi yimele xiave xa hina, hi ku titsongahata, hi Vito ra Hosi Yesu Kreste. Amen.

<sup>12</sup> Ndzi ta kuma Makwerhu Neville sweswi ku va a hlaya Matsalwa ya ku pfuka. [Makwerhu Neville a ku, “Matewu 28,” kutani a hlaya Tsalwa leri landzelaka—Muhleri.]

[*Emakumu ka Savata, loko ri sungula ku xela siku ro sungula ra vhiki, Mariya wa Magadala na Mariya lowun’wana va yile ku ya vona sirha.*]

[*Kutani, vonani, ku tsekatseka lokukulu ka misava ku vile kona: hikuva ntsumi ya Hosi a yi xikile hi le tilweni, kutani yi tile yi ta vumbuluxa ribye ku suka enyangweni, kutani yi tshamisa ehenhla ka rona.*]

[*Nghohe ya yona a yi kotisa rihati, kutani swiambalo swa yona a swi basile kukotisa gamboko:*]

[*Kutani hi ku yi chava valanguteri va rhurhumela, va hundzuka onge i vavanuna lava feke.*]

[*Kutani ntsumi yi hlamula yi ku eka vavasati, Loko mi ri n’wina mi nga chavi: hikuva ndza swi tiva leswaku mi lava Yesu, loyi a vambiwile.*]

[*A nga kona la: hikuva u pfukile, hilaha a vuleke hakona. Tanani, mi ta vona ndzhawu leyi Hosi a yi lativile kona.*]

[*Kutani fambani hi xihatla, mi ya byela vadyondzisiwa va yena leswaku u pfukile eku feni; kutani, vonani, u ta mi rhangela emahlweni ku ya eGaleliya; mi ta ya n’wi vona kona: hi sweswo, ndzi mi byerile.*]

[*Kutani va hatlisa va huma esirheni hi ku chava ni ku tsaka lokukulu; va tsutsuma va ya tivisa vadyondzisiwa va yena.*]

[*Kutani loko va ha ya ku ya byela vadyondzisiwa va yena, vonani, Yesu a hlangana na vona, a ku, Xewani. Kutani va tshinela va khoma milenge ya yena, kutani va n’wi khinsamela.*]

[*Hiloko Yesu a ku eka vona, Mi nga chaveni: fambani mi ya byela vamakwerhu leswaku va ya eGaleliya, kutani hi laha va nga ta ndzi vona kona.*]

[*Sweswi loko va ri eku fambeni, vonani, van’wana va valanguteri va ya edorobeni, va ya kombisa vaprista lavakulu swilo hinkwaswo leswi endlekeke.*]

[*Kuteloko va hlengeletanile na vakulukumba, ni ku kanelia makungu, va nyikile masocha mali leyo tala,*]

[*Va ku, Mi nge, Va dyondzisiwa va yena a va tile ni vusiku, va n'wi yiva loko va etlele.*]

[*Kutani loko mhaka leyi yi nga fika etindleveni ta mugavhenara, hi ta n'wi kucetela, ni ku n'wi sirhelela.*]

[*Kwalaho va teka mali, kutani va endla hilaha va lerisiweke ha kona: kutani mavulavulelo yalawa ya twakarile exikarhi ka Vayuda ku fikela ni namuntlha.*]

[*Kwalaho vadyondzisiwa lava khumen'we va ya eGaleliya, entshaveni leyi Yesu a va leriseke yona.*]

[*Kutani loko va n'wi vona, va n'wi khinsamela: kambe van'wana va kanakana.*]

[*Kutani Yesu a va tshinelela a vulavula na vona, a ku, Matimba hinkwawo ndzi nyikiwile wona ematilweni ni le misaveni.*]

[*Yanani ha kona, mi ya dyondzisa matiko hinkwawo, mi va khuvula hi vito ra Tatana, ni ra Nwana, ni ra Moya lowo Kwetsima:*]

[*Mi va dyondzisa ku hlayisa hinkwaswo leswi ndzi mi leriseke swona: kutani, hi sweswo, ndzi na n'wina hi masiku hinkwawo, ku ya fika emakumu ya misava. Amen. Xivati lexi nga ri ki na nchumu eka thepi.*]

<sup>13</sup> . . . engeteleta minkateko ya Xona eka ku hlayiwa ka Rito ra Xona.

<sup>14</sup> Sweswi hi nga ha vula leswaku, hi tivisa nakambe sweswi, leswaku swikhongelo, na swa ni mixo, swi ta ya emahlweni hi hafu ku bile awara ya nkaye, xikan'we-kan'we loko hi huma eka lexi, xa . . . xikhongelo lexi xa ni mixo sweswi. Kutani hi vitana lexi xikhongelo xa hina xa ku xa ka dyambu. Nakona hi kona, hi na swilo swa kahle swo swi vika eka n'wina hi mayelana na—na tinhleneletano leti nga hundza. Nakona hi lava n'wina lava mi vabyaka na ku cangayila, hinkwenu ka n'wina, ku va mi ta hi ripfumelo mixo lowu, ku va mi pfumela leswaku Yesu loyi a nga pfuka wa hanya namuntlha, nakona ntsena Wa ha fana na hilaha A ri hakona. A nga cincanga na swintsongo.

<sup>15</sup> Sweswi ndzi lava ku hlaya xiphemu xintsongo xa Tsalwa lahawani, leri kumekaka eka kavanyisa ka vu19 ka Yobo, ku sungula hi ndzimana ya vu15.

*Lava va tshamaka endlwini ya mina, . . . malandza ya mina ya xisati, va ndzi hlaya tani hi muluveri: ndzi loyi a nga tivekiki emahlweni ka vona.*

*Ndzi vitanile nandza wa mina, kutani a nga hlamuli; ndzi n'wi khongoterile hi nomo wa mina.*

*Ku hefemula ka mina a ku tollovelekanga eka nsati wa mina, hambiloko ndzi khongotela hikwalaho ka vana lava humeke enyameni ya mina.*

*Ina, vana lavantsongo va ndzi sandza; loko ndzi pfuka,  
va vulavula ku hatlana na mina.*

*Vanghana va mina hinkwavo va xiviri va ndzi  
hundzukerile: na lava ndzi nga va rhandza va ndzi  
hundzukerile.*

*Marhambu ya mina ya namarhele nhlonge ya mina ni  
nyama ya mina, kutani ndzi ponile ndzi ri na nhlonge  
ya meno ya mina.*

*Ndzi tweleni vusiwana, ndzi tweleni vusiwana, Oho  
n'wina vanghana va mina; hikuwa voko ra Xikwembu  
ri ndzi khumbhile.*

*Xana mi ndzi xanisela yini kukotisa Xikwembu,  
naswona a mi kolwi ha yini hi nyama ya mina?*

*Oho loko ingi marito ya mina sweswi ma nga tsariwa!  
oho loko ingi ma nga kandziyisiwa ebukwini!*

*Leswaku ma nga kovotliwa hi peni ya nsimbhi na  
ntsopfu eribyeni hi masiku!*

*Hikuwa ndza swi tiva . . . leswaku mukutsuri wa mina  
wa hanya, na leswaku u ta yima hi siku ra ku hetelela  
emisaveni:*

*Na hambiloko endzhaku . . . swivungu swa nhlonge swi  
onha miri lowu, hambiswiritano enyameni ya mina ndzi  
ta vona Xikwembu:*

*Lexi ndzi nga ta tivonela xona, . . . matihlo ya mina ya  
ta vona, ku nga ri ya un'wana; hambiloko ku fuma ka  
mina ku nga herisiwa endzeni ka mina.*

<sup>16</sup> Ndzi nga tsakela ku teka eka tsalwa lahaya, leri kumekaka eka Yobo 19 leyi. *Ndza Swi Tiva*.

<sup>17</sup> Mupatriyaka hi nkarhi lowu a ri swin'wana kukotisa leswi hi nga xiswona namuntlha. U vile eka makhombo yo enta, tani hilaha hi swi vurisaka swona, "mamati ma le henhla," nakona a haganekile. Masiku yo tala a ta tshama etaleni ra nkuma, nakona a ri karhi a ringeta ku kuma marito yo n'wi chavezela, a ri karhi a ringeta ku kuma nchumu wun'wana lowu a wu ta n'wi nyiketa xitiya-nhlana, na nchumu wun'wana lowu a wu ta-wu ta va ku Chavezela eka yena tani hi leswi a vona vutomi bya yena byi ri karhi byi n'wi timekela.

<sup>18</sup> Ndhawu yo rhanga, a ri mukhalabya, swin'wana swa va makumenkaye wa malembe hi yukhale, nakona a biwile hi voko ra Xikwembu. Sweswi, ha swi tiva leswaku Xikwembu a xi n'wi khumbhanga hi voko ra Xona, kambe leswaku Xikwembu xi pfumelerile Sathana ku va a n'wi khumbha. Xikwembu xi na vatirheli ku va va endla swilo. Xikwembu loko xi lava vubihi byi endliwa, ntsena Xi ntshuxa Sathana a byi endla. Kutani loko Xi

lava leswinene swi endliwa, Xi na malandza ma Xona lama xi ma ntshuxaka ku va ma swi endla.

<sup>19</sup> Kutani Sathana u khumbhile Yobo hi xikongomelo, ku n'wi ringeta, hikuva yena na Xikwembu va vile na njhekanjhekisano. Nakona Xikwembu xi byerile Sathana leswaku, “Ndzi na nandza emisaveni, ku ha va loyi a fanaka na yena. Swihi na swihi leswi Ndzi n'wi byelaka swona, u ta swi endla. Hi yena wanuna la hetisekeke, na wanuna la lulameke.”

<sup>20</sup> Kutani Sathana a ku, “Loko ntsena Wo ndzi pfumelela ndzi n'wi kuma, ndzi ta n'wi endla a Ku rhukana emombyeni wa Wena.”

<sup>21</sup> Yobo, a nga ri eku swi tiveni swilo leswi hinkwaswo leswi a swi ri karhi swi humeleta, swi yisile mupatriyaka eka ntshikelelo lowo enta. Hambiswiritano, hi mukhuva wun'wana, loko hinkwaswo swi fambique eka yena, u tamile a ha hlayisa xiyimo xa yena eka—eka Kreste. “Ndza swi tiva leswaku Mukutsuri wa mina wa hanya,” u vule tano.

<sup>22</sup> Sweswi hi ta eka tindhawu letiya. Hi ta hinkwerhu. Nakona ndzi pfumela sweswo namuntlha, leswaku hi hlengaletanile lahawani hi nchumu wun'wana wo kotisa xikongomelo lexiya xi fanaka. Hinkwerhu hi le mataleni ya nkuma. Hi na makhombo ya hina, na le henhla na le hansi ka hina, na swinkadyana swa hina—swa hina swo vava, na vuvabyi bya hina, na ku vava ka timbilu ta hina, na ku xumbadzeka ka hina. Swingaleswi hi ta kukotisa leswi, ni mixo, mixo lowu wa Paseka, ku ta kuma marito ya vuchaveleri, kukotisa hilaha Yobo a ri karhi a ringeta ku ma kuma eka vanghana va yena.

<sup>23</sup> A ku nga ri na un'we wa bona la ta n'wi nyiketa ku chavezela kun'wana na kun'wana. Hikokwalaho ka khombo ra yena, a va ri karhi va n'wi hehla hi ku va mudyohi wa le xihundleni. Kutani, exikarhi ka khombo leriya hinkwaro, Xikwembu xi ta eku n'wi poniseni.

<sup>24</sup> Yobo a ri karhi a vutisa. Tani hi leswi a swi tiva, a ku nga ri ntsena vuвabyi bya yena na matshumba ma yena, na khombo na ku vaviseka ka mibilu, ku suka eka ku lahlekeriwa hi ndyangu wa yena na rifumu ra yena hinkwaro, leswi ntsena a swi lava ku teka vutomi bya yena; kambe a ri mukhalabya, a biwile swinene hi malembe, nakona a swi tiva leswaku a ya ehansi esirheni. Kutani, hi ku tiva sweswo, a pfumela leswaku a ku ri na munhu un'wana loyi a nga n'wi tisa emisaveni, ntsena a nga ta ta hi yexe laha emisaveni. Nakona a swi tiva leswaku u huma eka tatana na manana, kambe, hambiswiritano, tatana na manana lavaya a va fanele ku va na un'wana loyi a va tisaka. Nakona a swi ta ndziwulukela endzhaku eka wo sungula, “Xana i mani a nga tisa lowo rhanga, un'we-ke?”

<sup>25</sup> Kutani u tivutisile hi leswi. “I nchumu lowu nga tololekangiki leswaku hi mina loyi, ndzi fambahka hi ku

rhendzeleka, vutomi bya le henhla ku tlula leswi vutomi bya xiharhi byi nga swona, nakona i vutomi bya le henhla ku tlula vutomi bya ximilani.” Kambe hambiswiritano hi kuma leswaku u te, “Loko nsinya wu fa, wu ta tlhela wu hanya nakambe. Naswona loko xiluva xi—xi fa, xi ta tlhela xi hanya nakambe.” Kambe u te, “Munhu u etlela ehansi, a nyiketa moyo wa yena, nakona xana u kwih-ke? Majaha ya yena ma ta ku ta n’wi rila na ku n’wi xixima, nakona a nga swi twi.” Kutani a ri eku tivutiseni, “Xana a ku ri yini mhaka ya leswaku—leswaku Xikwembu xi pfumelela vutomi byo kotisa lebyiya byi hanya nakambe, tani hi swiluva na swimilani, kambe munhu a nga kota ku tlhela a hanya nakambe?” Hinkwaswo leswi swi n’wi karhatile.

<sup>26</sup> Kutani loko ntsena hi nga koka ku suka eka xiheri lexi mixo lowu. Nakona sweswo hi leswi hi nga lahawani hikwalaho ka swona. Hi xi twile xitori xa Paseka, ko tala-tala, na ku xi hlaya endzhaku na le mahlweni; nakona namuntlha, eka vuhambya xiya-ni-moya xa wena, u ta twa tiministara to hambana-hambana ti ri karhi ti swi kongoma. Kambe leswi a ndzi swi anakanya, eka xintlawana xa mina mixo lowu, Hosi yi nga ndzi nyika xona, ndzi ta swi kongoma ku suka eka vuyimo lebyi hambaneke loko ndzi nga swi kota, ku ta eka ndhawu ya leswaku: Hikokwalaho ka yini hi ta eka makhombo lawake? Xana i yini lexi endlaka leswaku swilo leswi swi ta-ke? Hikokwalaho ka yini Mukreste a ta kala a pfilunganyeka-ke? Hikokwalaho ka yini swilo hinkwaswo swi nga ta ka, ntsena swi nga tsutsumi hi ku hetiseka eka Mukreste-ke? Kambe a swi endleki, nakona ha swi tiva.

<sup>27</sup> Nakona minkarhi yin’wana hi na makhombo yo tala loko hi va Vakreste ku tlula loko ha ha ri vadyohi. Hakunene, Swi tsariwile, “Maxangu ya loyi a lulameke ma tele ngopfu, kambe Xikwembu xi n’wi humesa eka wona hinkwawo.” Xikwembu xi tshembhisile maxangu yo tala, matitwele mo ka ma nga tollovelekanga, na swilo leswi nga tollovelekangiki leswi nga ta va swi ri ehenhla ka matwisisele ya hina, kambe minkarhi hinkwayo swi endleriwa ku pfuna hina. Ntsena hi nga ka hi nga swi twisisi, hikuva, loko a hi swi twisia, manuku a ku ta va ku nga ri ripfumelo eka hina; a hi ta famba hi ku twisia. Kambe ha swi endla, nakona hi va na swona, kutani hi pfumela hi ripfumelo, Rito ra Yena, leswaku ri ya eku tirheni ka swin’wana swa kahle eka hina. Loko hi nga khoma sweswo namuntlha, eka mixo lowu—lowu. Loko hi nga khoma sweswo makhombo ya hina hinkwawo... Nakona ku ha va na un’we wa hina loyi a nga sawuta eka swona. Kutani loko hi nga lemuka leswaku swilo leswiya i swo pfuna hina!

<sup>28</sup> Swi tsariwile, eka rin’wana ra Matsalwa eBibeleni, leswaku, “Ku ringetiwa loku ku tisiwaka eka hina, ku hlawulekile swinene eka hina ku tlula nsuku hi woixe, hikuva i Xikwembu lexi xi hi nyiketaka ku ringetiwa loku.” Endzhaku ka loko hi

hundzukile nhundzu ya Xona, ku tivula ka hina na nkhuvulo wa hina, na xitshembhiso xa hina xa ku famba evuton'wini hikwalaho ka Xona, kutani ku ringetiwa kun'wana na kun'wana loku ku taka ehenhla ka hina i ko hi hetisekisa hikwalaho ka ku kwetsima ka Xona. I ko hi tisa eka ndhawu laha Xikwembu xi nga tiendlaka Xona n'winyi xi va xa xiviri swinene eka hina ku tlula hilaha a Xi ri hakona loko ku ringetiwa ku nga se ta.

<sup>29</sup> Ndzi lava ku tihlanganisa na Yobo emixweni lowu, ku vula leswaku ndzi hanyile nkarhi wo leha ku ringanelu ku tiva leswaku walowo i Ntiyiso. Ndzi swi vonile evuton'wini bya mina n'winyi, leswaku nkarhi wun'wana na wun'wana loko xiyimo lexikulu xi pfuka, lexi ndzi nga ta ka ndzi nga rhendzeleki hi xona, kumbe ku ya ehansi ka xona kumbe ehenhla ka xona, Xikwembu xi endla ndlela, nakona yi humela ehandle yi kwetsimile. Ntsena ndza tivutisa hilaha tintswalo ta Xona ti swi endlaka hakona, kambe Xa swi endla.

<sup>30</sup> Nakona tsundzuka, eka hinkwaswo swilo leswi, Sathana u ringeta ku hi rhurhumerisa, na ku hi hlundzukisa, ku hi endla hi ehleketa leswaku, “Oho, hikokwalaho ka yini *leswi* swi humeleta-ke? Hikokwalaho ka yini ndzi nga va nga kukotisa *leswi*-ke?”

<sup>31</sup> Masikunyana lama nga hundza loko ndzi humela ehandle ka leyo saseka ku tlurisa, na ndhawu yo xonga ku tlurisa leyi ndzi nga tshama ndzi yi vona evuton'wini bya mina hinkwabyo, a ku ri muako lowukulu wa makwerhu wa hina, Oral Roberts. Loko ndzi vona mavula liya yo tiya, nakona ku nga ri na fasitere eka yona, kambe hilaha a yi khomanisiwile hakona! Nakona ndzi vile eHollywood naswona ndzi vile eswigodlwani swa tihosí, nakona ndzi vile hinkwako laha ku nga va ka kona, hi ku nonohwa, ku rhendzeleka hi misava, na hinkwato leto durha, tindhawu leti rhandzekaka na makaya, kambe a ndzi se tshama ndzi vona xin'wana na xin'wana, ndhawu yin'wana na yin'wana, yo yi pimanisa, na yona, ku ha va na swintsongo. Hilaha tintambhu ta aluminiyamu ti—ti rhungelaka vundzeni kun'we, nakona, oho, a ndzi se tshama ndzi vona xin'wana na xin'wana xo xonga swonghasi evuton'win bya mina hinkwabyo. Loko ndzi famba kwalahaya, kutani ndzi teka mavoko ya mina ndzi swoswa tiphuphu letiya ta timhandzi, na—na granayiti ya kahle; hinkwaswo hi xivumbeko xa vunharhu bya Tatana, N'wana, na Moya lowo Kwetsima, ku—ku vatliwa ka swona. Hinkwaswo swilo leswiya! A ndza ha ku ta ku suka eka Makwerhu Tommy Osborn, kutani ndzi vona wa yena lowukulu, ntirho wa matimba lahayha eka Hosi.

<sup>32</sup> Ndzi yimile ehandle, ndzi langutisa endzhaku eka muako, kutani ndzi anakanya, “Xikwembu, hakunene ndzi hundzukile mutiendlisi, hakunene ndzi hundzukile mucukumetiwa, kun'wanyana; hikuva, tiministri ta vavanuna lava ti sukile eka ya mina.” Kutani ndzi anakanya, “Yini? Kumbexana ndzi loyi

a nga tshembhekiki swonghasi, Hosi, leswaku A wu nga ta ndzi tshembha hi xin'wana na xin'wana lexi kotsaka sweswo. Hambi ku ri letintsongo, tidolaranyana leti U ndzi pfumelelaka ndzi ti hakela eka mapfhumba na swin'wana, sweswi va le ku ringetenka ku ndzi yisa ekhotsweni hikwalaho ka ton. Kutani hikokwalaho ka yini ndzi ri mutiendlis wo tano, kumbe hikokwalaho ka yini ndzi ri munhu loyi a nga tshembhekiki swonghasi?"

A ndzi ri etaleni ra nkuma, tani hi Yobo wa khale.

<sup>33</sup> Loko ndzi yimile le handle, ntsena hi ku nonohwa ndzi nga kumi ku hefemula ka mina, ku suka eka vukulukumba byo tano; leswaku mbuyangwani mufana loyi a nga tswaleriwa endlwini ya vuhlayiseko ya le hansi, Mupentekostal, a nga endla nakona a nghenisa sweswo eka muako luwa wukulukumba. Ndzi ehleketele leswaku, "O Xikwembu, kumbexana a ndzi ringanelanga."

<sup>34</sup> Hi nkarhi walowo Rito lerintsongo ri ta ehansi ku hundza hi tiphacisi letiya, kutani ri ku, "Kambe Ndzi xiave xa wena."

<sup>35</sup> Kutani ndzi anakanya leswaku, "O Hosi Xikwembu, oho, ntsena pfumelela sweswo swi tshama hi ndlela yaleyo, manuku, Hosi. Ndzi...hikuva a ndzi nga ta va na vutlharhi byo ya emahlwени na ntirho lowukulu kukotisa walowo eka Wena. Nakona ndzi munhu la-la nga dyondzangiki. Kambe, ntsena loko U ri xiave xa mina, ndzi wa Wena, nakona Wena u ta ndzi rhangela. A ndzi nga ta tifambisa mina n'winyi. Kambe, O Hosi, ndzi fambise!"

<sup>36</sup> I tiawara letiya to nonohwa leti ti hi tshikelelaka ku ya eka sava leriya ro kwetsima. A swi ri eBibeleni. Kutani tsundzuka, swi nga ri na mhaka leswaku ntshikelelo i wukulukumba njhani, Sathana a nga ka a nga byi teki vutomi bya wena kukondza Xikwembu xi va xi hetile hi wena. Ku ha va nchumu lexi nga ta humeleta eka wena ehandle ka loko Xikwembu xi xi pfumelela. Ku ha va vubihi lebyi nga tako ehandle ka loko Xikwembu xi byi pfumelela. Nakona i swo pfuna wena ku va Xi ri karhi xi tirhana na sweswo. A hi ehleketi.

<sup>37</sup> Lahaya loko tindhambhi ti tile ku ta herisa misava, a ti nga ta swi kota ku herisa Nowa. Nowa a nga ta heriseka, hikuva Xikwembu a xi ri na ntirho lowu a fanele ku wu endla.

<sup>38</sup> Siku rin'wana, ehansi etikweni lerikulu ehansi ka vukhomia lebyikulu, a ku ri na vana van'wana va Vaheveru lava hi va tivaka tani hi Shadrak na Meshak na Abednego. Nakona swi fikile eka ndhawu laha a va fanele ku endla xiboho, laha nchumu wun'wana a wu fanele ku endliwa. A va ri na... Ripfumelo ra vona—ra vona—ra vona a ri ringetiwile.

<sup>39</sup> Kutani loko ripfumelo ra wena ri ringetiwa, manuku u nga tsandzeki. Tshama hi ku lulama na leswi u swi pfumelaka.

<sup>40</sup> Nakona loko va kongomiwile, ripfumelo ri ringetiwile. Kutani va yile eka awara yo nonohwa. A va ya nga etaleni ra—ra nkuma ntsena, kambe va yile ekheleni ra ndzilo. Kambe Sathana a nga ta va herisa, hikuva xikongomelo xa Xikwembu a xi nga se fikeleriwa. A va ta ya lahaya ni ntshembho lowu, “Ndza swi tiva leswaku Mukutsuri wa mina wa hanya!” A va ta ya lahaya ni ntshembho lowu lahwani, “Hi tiyisiseriwile leswaku Xikwembu xa swi kota ku hi ntshuxa ku suka kheleni leri ra ndzilo, kambe, hambiswiritano, hi nga ka hi nga xi khinsameli xifaniso.”

<sup>41</sup> Sathana a nga ta va teka. A nga ta n’wi nwerisela Nowa eka ndhambhi, kukondza xikongomelo xa Xikwembu xi va xi hetisisiwile. A nga ta va hisa vana va Vaheveru, kukondza xikongomelo xa Xikwembu xi va xi hetisisiwile. A nga ta n’wi dlaya Yobo hi matshumba na makhombo, kukondza xikongomelo xa Xikwembu xi va xi hetisisiwile. Naswona tinghala a ti nga ta n’wi dya Daniel, kukondza xikongomelo xa Xikwembu xi va xi hetisisiwile. Naswona rifu na vukhalabya a byi nga ta n’wi teka Abraham, kukondza xikongomelo xa Xikwembu xi va xi hetisisiwile.

<sup>42</sup> Naswona ri nga ka ri nga ku teki, kumbe ku teka mina, kukondza xikongomelo xa Xikwembu, xa vutomi bya hina, xi hetisisiwile. Swingaleswi, hi hlengleeta ku suka kwalahaya, ku chaveleleka.

<sup>43</sup> Kutani hikokwalaho ka yini Xikwembu xi pfumelela makhombo ma ta-ke? Xikwembu xi pana khombo, xi vekela matomu enon’weni wa rona kutani xi endla leswaku ri Xi yingisa, nakona makhombo lawaya ya hi tisa eka xinakulobye xa le kusuhi na Xikwembu.

<sup>44</sup> A ku va nga na nkwangula-tilo kukondza ndhambhi yi ta. Kambe endzhaku ka loko Nowa a tshikelelekile eka xiyimo lexiya a ri eka xona, ku va a papamala makumemune wa masiku na vusiku, eka xidzedze, nakona ngalava leyintsongo yi ri karhi yi ngalangala ehenhla na le hansi ematini; a ku ri endzhaku ka loko ndhambhi yi herile, laha a nga vona nkwangula-tilo eka nkarhi wa wona wo sungula, ntwanano wa ntshembho, ntwanano wa xitsembhiso. Endzhaku ka loko a hundzile enhlomulweni, kutani u vonile xitsembhiso.

<sup>45</sup> Yaleylo i ndlela leyi u vonaka xitsembhiso hakona, endzhaku ka loko u hundzile hi le nhlomulweni. Ndzi xi tsakerile xiphato lexiya, kumbe pisalema:

Xana ndzi nga tekeriwa ekaya eTilweni  
Eka mubedo wo olova wa swiluva,  
Loko van’wana va lwerile ku kuma sagwadi  
Na ku tlutela emalwandle ya ngati-ke?

<sup>46</sup> Hi kombela ku chaveleriwa na ku rhula. Xikwembu xi hi nyika swo antswa ku tlurisa hilaha Xi kotaka hakona, mindzingo

na mahlomulo. Sweswo swi antswa ku tlula ku chaveleriwa na ku rhula. Ku chaveleriwa ka hina ntsena ku le ntsungeni wa nambu.

<sup>47</sup> A ku ri kukondza vana va Vaheveru va sindziseriwa endzeni ka khele ra ndzilo, eka wun'wana wa mindzingo ya vona leyo hlamarisa, laha va nga vona Un'wana loyi a kotisa N'wana wa Xikwembu a yimile exikarhi ka vona. Makhombo ya vona ma humelerisile N'wana wa Xikwembu a yimile exikarhi ka vona, hi mimoya yo vevuka, ku pfurhetela gandlati ro hisa ri ya ekule. Kambe a ku nga ri loko va nga se nghena endzilweni laha Muchaveleri a nga humelela.

<sup>48</sup> A ku ri Daniel loyi a nga kunguhata embilwini ya yena leswaku a nga ka a nga tnyamisi hi swilo swa misava, nakona u sindzisiwile hi ndzingo, loko a ku ri leswaku a ta khongela eka Xikwembu kumbe a ya ekheleni ra tinghala. Kambe a ku ri endzhaku ka loko ku hisa ku lumekiwile, na ku va a hoxiwile endzeni ka khele ra tinghala, laha, endzhaku ka sweswo, a nga vona Ntsumi ya Hosi yi yimile exikarhi ka yena, yi ri karhi yi sivela ekule, Langavi ra Ndzilo leriya rikulukumba ri yimile exikarhi ka yena na tinghala. Nakona tinghala a ti nga ta n'wi kuma, hikuva a hundzile eka miringo na ku ringiwa na makhombo. Nakona a swi tiva leswaku Xikwembu xa yena a xi swi kota ku n'wi ntshuxa ku suka eka sweswo.

<sup>49</sup> A ku ri Abraham, endzhaku ka loko a vonile misava yi va leyi nga nonangiki, kutani dyandza ri ta, nakona Lot a tihambanyisa kutani a ya ehansi ku ya hanya ku nandziha emisaveni. A ku ri endzhaku ka loko a ta va a twile ku gungula na ku rila ka—ka varisi va yena, ku nga ri na byanyi bya tihomu ta yena, kambe u tshamile etikweni lerija Xikwembu xi n'wi nyiketeke rona na ku n'wi byela ku va a luvela eka rona. Nakona tani hi le ka siku rero, endzhaku ka loko a ta va a ringetiwile kukondza ku lehisam bilu ka yena—ka yena ku va emakumu, a ku ri hi siku rero laha, loko ndzingo wu herile, a nga vulavula hi xiviri na Elohim ehansi ka nkuhlu siku lerija. A ku ri endzhaku ka loko a hlpukhekile hi mindzingo ya yena, endzhaku ka loko a hundzile eka makhombo lama a nga va eka wona, laha Xikwembu xi nga humelela eka yena hi xiyumbeko xa Wanuna; kutani xi tshama kwalahaya xi n'wi byela leswaku a tekile naswona vito ra nsati wa yena a ku ri Sarah, kutani xi vula leswaku u Xi hlekile, etendeni le ndzhaku. A ku ri kona laha Abraham a nga Xi vitana “Elohim.” A ku ri endzhaku ka ndzingo na nhlomulo.

<sup>50</sup> Oho, loko Kereke ntsena yi nga pfukela eka Vuyona namunthla, ku kuma leswaku endzhaku ka makhombo na mindzingo, na swihleko na ku endliwa mafenya, swilo leswi Kereke yi nga hundza eka swona, Kereke ya xipentekostal; leswaku hi vona Xikwembu exikarhi ka hina, xi ri karhi xi endla swikombiso leswikulu, na masingita.

Endzhaku ka micingiriko na makhombo ma siku,  
 Endzhaku ka loko hinkwaswo swi hundzile,  
 Kutani hi ta vona Yesu emaheteleleni.  
 U ta va a ndzi rindzerile,  
 Yesu wa kahle na ntiyiso swonghasi,  
 Exiluvelweni xa Yena lexo saseka,  
 U ta ndzi amukela eKaya  
 Endzhaku ka loko siku ri hundzile.

Loko ra ha vona, a hi tirheni.

<sup>51</sup> Hinkwavo vavanuna lava vakulukumba, a va ta tekela swo tala swa xikhongelo xa hina xa ni mixo ekule, ku ya eku vuleni ka sweswo. Va hundzile emiringweni, naswona va vonile Xikwembu. Va hundzile emiringweni, naswona va vonile Tintsumi. Va hundzile emiringweni; na tinhlavutelo, naswona va vonile swikombiso na masingita, na swin'wana.

<sup>52</sup> Kambe, oho, ku ha va na un'we wa vona a nga vona leswi Yobo a nga swi vona. Hinkwavo vavanuna, endzhaku ka ku vona Tintsumi, na ku vona Xikwembu na swilo leswi hinkwaswo, a va kalanga va vona nchumu xo va nyiketa mintshembho leyi hundzaka rifu. Kambe Yobo u vonile ku pfuka! U vonile Paseka. U vonile nchumu lowu chavelelaka mbilu yin'wana na yin'wana. Kutani loko a swi endlile, "O loko ingi marito ya mina ma nga tsariwa ebukwini! O loko ingi ma nga kovotliwa hi peni ya nsimbhi, eribyeni!"

<sup>53</sup> Wa vona, swona, swilo hinkwaswo a swi hundzulukile ku lwisana na yena. Ma yena, hambi ku ri malandza ma yena a ma nga vulavuli na yena. Nsatia wa yena a ri la nga tollovelekangiki. A tshamile lahaya, etaleni ra nkuma, ndzingo luwa wukulu. Kutani kereke yi ta, nakona yi n'wi fularhela, ku ringana nkombo wa masiku. Nakona a ku nga ri na wo n'wi chavalela!

<sup>54</sup> Kutani u fanele a vonile xivono xa Paseka, loko a ririle, "Ndza swi tiva leswaku Mukutsuri wa mina wa hanya, naswona U ta yima hi siku ra ku hetelela emisaveni. Ndza swi tiva! O loko ingi marito ya mina ma nga kandziyisiwa hi peni ya nsimbhi, eribyeni, ingaku marito ya mina ma nga pfuka ma nga ha nyamalalanga, hikuva ndza swi tiva leswaku Mukutsuri wa mina wa hanya! Ndza swi tiva! Ndza swi tiva!"

<sup>55</sup> Xana u tiva yini, Yobo? "Ndza swi tiva leswaku Mukutsuri wa mina wa hanya." Xana u swi xiyisisile, ku nga ri ntsena leswaku a ku ri na Un'wana a hanyaka, kambe A ri Mukutsuri eka Yobo!

<sup>56</sup> Oho, a ku kateke Vito ra Hosi. Ndzi tsakile swinene ku va ndzi ri xiave xa Paseka, ku va ndzi ri xiave xa ku pfuka kwaloko! Nakona hi xiave xa kona mixo lowu, hikuva eka hina ku tshama Vutomi lebyiya bya ku pfuka (yaloye hi, la dyaka) lebyi nga tisa Paseka. "Ndza swi tiva leswaku Mukutsuri wa mina . . ." Xana u

tiva yini-ke? A ndzi le ku swi vhumbheni; hi na ku vhumbha ko tala ngopfu namuntlha. “Ndza swi tiva leswaku Mukutsuri wa mina wa hanya!” Ina, nkulukumba.

<sup>57</sup> Sweswi xana A ri yini-ke? Loko ku ri leswaku A hanya, A ri Mukutsuri eka Yobo. “Wa mina,” vun’winyi, *wa mina*, “Mukutsuri wa mina wa hanya!”

<sup>58</sup> Kutani hi swihi swin’wana u swi tivaka, Yobo? Xana u vonile yini eka xivono lexiya-ke? “Nakona hi masiku ya ku hetelela, U ta yima emisaveni. Na hambiloko swivungu swa nhlonge swi onhile miri wa mina, hambiswiritano ndzi ta vona Xikwembu ndzi ri enyameni ya mina, Lexi ndzi nga ta tivonela xona. Ndza swi tiva leswaku Mukutsuri wa mina wa hanya, naswona U ta yima hi siku ra ku hetelela emisaveni. Hambiloko ku fuma ka mina ku nga herisiwa endzeni ka mina, hambiloko swivungu swa nhlonge swi onhile miri wa mina, hambiswiritano enyameni ya mina ndzi ta vona Xikwembu.” Kwalahaya a ku ri na xivono lexikulu ku tlurisa.

<sup>59</sup> Daniel u vonile Ntsumi. Vana va Vaheveru va vonile N’wana wa Xikwembu. Nowa u vonile nkwangula-tilo. Abraham u vonile Xikwembu, nghohe hi nghohe. Kambe, Yobo u vonile ku pfuka, Yobo u langutile emahlweni. Hinkwavo vapatriyaka na vakwetsimi lavakulu, va Bibele, va langutile emahlweni eka siku leriya; hi xitiyisekiso, hi swivono swa vona, hi tinhlavutelo ta vona, leswaku ku ta ta nkarhi wa ku pfuka.

<sup>60</sup> Sweswi hi vona mintirho leyikulu yi ri karhi yi ya emahlweni. Hi vona matimba lamakulu ma Xikwembu. Hi vona swilo leswikulu leswi a Xi ta swi endla. A wu nga ta langutisa dyambu kutani—kutani u swi tiva leswaku a hi Matimba ma Xikwembu lama ma tisaka misava yaleyo ku rhendzeleka hi dyambu rero. A wu nga ta vona ximun’wana xi ta ehandle ko tiva leswaku a ku ri na Xikwembu. U nga ha vona ku horisiwa ka mahlo lawa ya nga voniki, tindleve leti nga tweki, u tiva leswaku i Xikwembu. Kambe a swi ta va njhani loko sweswo a ku ri hinkwaswo leswi a swi ri kona, nakona endzhaku ka loko hi file hi va hi fambile-ke? Kambe ku pfuka, Paseka, oho, sweswo hi leswi swi nga lemela swilo hinkwaswo leswi Xikwembu xi nga swi tshembhisa, a ku ri ku va na ku pfuka.

<sup>61</sup> Nakona va fanele ku va na ku vambiwa, loko u nga se va na ku pfuka. Nakona loko Kereke yi nga se kala yi kota ku vona Matimba lawa ya nga pfuxiwa, loko mina hi ndzexe ndzi nga se kala ndzi vona ministri lowuntshwa wu teka ndhawu, loko u nga se kala u nghena eka xinakulobye lexintshwa na Xikwembu, ku fanele ku va na ku vambiwa ka vun’winyi leswaku ku ta ta ku pfuka. Hi fanele ku fela ehandle ka mianakanyo ya hina vinyi, ku fela ehandle ka tindlela ta hina vinyi, ku fela ehandle ka swilo hinkwaswo leswi nga ku rhendzeleka hi hina, ku hundza emiringweni na mahlomulo, leswaku hi ta vona ku pfuka

lokuntshwa, Vutomi lebyinthswa. Loko mudyohi a nga se kala a hundzuka Mukreste, ku fanele ku ta rifu, kutani ku pfuka.

<sup>62</sup> Loko Abraham a nga se vona Elohim, a ku fanele ku va na makumentlhanu wa malembe ma ku ringetiwa. Loko vana va Vaheveru va nga se kala va vona N'wana wa Xikwembu, a va fanele ku nghena ekheleni ra ndzilo. Loko Daniel a nga se kala a vona Ntsumi, a fanele ku nghena ekheleni ra tinghala. Loko Yobo a nga se kala a vona ku pfuka, a fanele ku nghena kutani a lahlekeriwa hi swilo hinkwaswo leswi a ri na swona; kambe manuku, hi xivono, u vonile!

<sup>63</sup> Nakona loko Yobo hi xivono a kotile ku yima a tiyile ehenhla ka xitsembhiso, i ko tala ku fika kwihi laha hina hi faneleke ku swi endla, endzhaku ka loko Kreste a pfukile eku feni na ku hundzuka Mihadzu yo Rhanga ya lava nga etlela, kutani a rhumela Moya lowo Kwetsima endzhaku tani hi xilemo xa xitsembhiso, ehenhla ka hina, leswaku na hina hi ta hanya. "Hikuva Ndza hanya, na n'wina ma hanya!" Ku va hi vona Vukona bya Yena lebyikulu exikarhi ka hina, byi ri karhi byi tirha, byi endla swikombiso na masingita lama fanaka lama A nga ma endla emisaveni, ma ri karhi ma hi nyiketa mintshembho. Nakona hi ta eku pfukeni, kutani hi tshama emataleni ma nkuma? A hi sukeni etaleni ra nkuma namuntlha, hi xivono lexintshwa, na Matimba lamantshwa, na vutiyimiseri lebyintshwa leswaku hi vona Xikwembu eka Matimba ma Xona. Hi vona ku pfuka ka swilo leswi nga eku teni.

<sup>64</sup> Hi le ka nkarhi wa rifu. Hi tshamile eminyangweni ya rifu. Matiko ma le minyangweni ya rifu.

<sup>65</sup> Russia yi thumbhile xitlhavatlhavani lexintshwa sweswi, tani hi leswi hinkwenu mi nga swi twa eka xiya-ni-moya na swin'wana. A va boheki ku ta lahawani va ta ri bulusa hi bomo. Va nga tisa ntsena nchumu lowuntsongo ehenhla lahawani, kutani va nghena exikarhi ka tinhlorhi ta vona, kutani va tlhambukisela swilo swintsongo ehandle etikweni rihi kumbe rihi, kutani vanhu hinkwavo va ta oma swirho ku ringana makumembirhi-mune wa tiawara. A ta kwalahaya, kutani loko u pfuka, ku na Murussia a ku rahaka etsheveni ra wena, murindzi lonkulu wa Murussia a ri karhi a vutla muti wa wena, a pfinya nsati wa wena, a cukumetela vana va wena ehandle exitarateni, na ku teka muti wa wena. Va nga swi endla. Va nga ka va nga lahlekeriwi hi nchumu na wun'we. Va na xona. Ku ha va munhu loyi a swi tivaka leswaku i yini. Wa vona, nchumu wun'wana na wun'wana wu le ku tirheni. Sweswi va nga xi tirhisa xexo nakona va nga swi chavi, hikuva ku ha va un'wana a nga na xona.

<sup>66</sup> A hi swi tivi leswaku swi ta ta njhani, leswaku ku ta humeleta yini. Kambe hi tiva nchumu wun'we, leswaku hi le taleni ra nkuma. Tiko, ri le taleni ra nkuma. Misava yi le taleni ra nkuma.

<sup>67</sup> Nakona hikuva misava yi ri etalen i ra nkuma, ndzi tsakile swinene ku va Moya wa Xikwembu wu tile, naswona hi nga ha vula leswaku, “Ndza swi tiva leswaku Mukutsuri wa mina wa hanya, nakona U ta yima hi siku ra ku hetelela emisaveni ley!” Siku rin’wana U ta ta! A swi hlamarisi ku va muphati a tsarile leswaku:

Eku hanyeni, U ndzi rhandzile. Eku feni, U ndzi ponisile.

Eku lahliweni, U khomerile swidyoho swa mina ekule.

Eku pfukeni, U ndzi lulamisile hi masiku.

Siku rin’wana U ta ta, oho, siku leri kwetsimaka!

<sup>68</sup> Swi tekile Getsemane, ya mathonsi ya Ngati lawa a ma ri karhi ma huma eka nhlonge ya yena, ku nga se va na sweswo. Nakona swi tekile ku hlipheka ka tihanyi ka Khalivhari, loko ku nga se ta xikhoriwiso xa Xikwembu lexi nga Heriki Lexi a xi kota ku pfuxa vafi. Swi tekile—swi tekile Getsemane na Khalivhari, ku endla Paseka. Hakunene swi swi endlile.

<sup>69</sup> Hilaha vaapostola lavaya, emixweni luwa, loko va herile matimba, kukondza Petro a ku, “Ndzi herile matimba swinene, ndzi pfumela leswaku ndzi ta tlhelela endzhaku ndzi ya phasa tihlampfi nakambe. Ndzi ta tlhelela endzhaku. Ndzi, ndzi N’wi vonile.”

<sup>70</sup> A va ri na mintshembho leyikulu, nakona a va pfumela na swilo hinkwaswo, kukondza ku ta ndhawu liya yo dzwhihata. Xana Xikwembu a xi endla yini-ke? A xi tisa vaapostola lavaya etalen i ra nkuma. A xi va tisa eka ndhawu ley i a va ta va na ripfumelo ra vona ri tiyisiwa eka vona.

<sup>71</sup> Nakona Petro u te, “Ndzi—ndzi N’wi vonile a endla mahlori lamakulu ehansi ku rhelela hi Galeliya. Kambe, oho, U etlerile lahaya, u file, nakona wa titimela, esirheni! Ndzi pfumela leswaku ndzi to tirhelelela elwandle mixo lowu kutani ndzi ya hoxela nete endzeni, nakona ndzi tiyela eku phaseni ka tihlampfi. Kumbexana ndzi valanga ku tsemakanya lwandle lahaya, kutani ndzi ta kumisia. Ndzi tsundzuka loko ndzi N’wi vona loko a hi yimerile eribuweni. Ndzi pfumela leswaku ndzi to tirhelelela ehansi.”

<sup>72</sup> Kutani vaapostola va ku, “Wa swi tiva leswaku i yini? Ndzi pfumela leswaku ndzi ta famba na wena.” Oho, a va ri na gome. Va ririle kukondza mahlo ya vona ma pfimba.

<sup>73</sup> Hilaha hi swi tivaka hakona ku hundza hi le tindhawini teto! Hilaha hi tivaka hakona! Hinkwerhu ha fambelana na swilo sweswo.

<sup>74</sup> Ndzi tsundzuka loko ndzi lahlide loyi a hlawulekeke lahaya esirheni, ehenhla ka xintshabyana lahaya, lexi vitaniwaka Eastern, kumbe Walnut Ridge Cemetery. Hilaha ndzi nga lahla

xihlangi lexintsongo hakona lahaya! Nakona a ndzi ta rila evokweni ra manana, kukondza, ndzi ririle kukondza ndzi nga ha koti ku rila. Ndzi endlile hinkwaswo leswi a ndzi swi tiva. Kukondza, ndzi teka xibalesa, ku ringeta ku tidlaya, a ndzi ri eka nkarhi wo tano. Nakona a ku ri hi awara liya, ekamareni leyintsongo ehenhla lahaya, ematsolweni ya mina, laha Matilo ma nga pfulekela endzhaku, kutani ndzi n'wi vona a yimile lahaya hi vumburhi bya nkala-ku fa. A ku ri hi awara liya laha ndzi nga twa mavoko ma yena ma ta ku rhendzeleka hi makatla ya mina, a ku, "Bill, a wu swi twisisi. Hi tsakile ku tlula wena."

<sup>75</sup> Wa vona, swi teka ku vambiwa. Swi teka ku pyanyiwa ka xiluva, ku tisa xinuhwerisi ku suka eka xona. Swi teka ku pyanyiwa ka vutomi, ku kuma swo antswa ku tlurisa leswi nga kona eka byona. Xexo hi xona xivangelo xa ku va Yesu a fanele ku pyanyiwa, ku humelerisa leswi A ri swona. A nga ta yima emahlweni ka ku vambiwa, a ku, "Matimba hinkwawo ya le Matilweni na le misaveni ma nyiketiwile evokweni ra Mina." Kambe endzhaku ka ku vambiwa, A ta yima kutani a ku, "Matimba hinkwawo ya le Matilweni na le misaveni ma nyiketiwile evokweni ra Mina!" Kambe xana swi endlile yini-ke? Swi rhange swi teka ku vambiwa.

<sup>76</sup> Swi tekile ku pyanyiwa na ku xumbadziwa ka vaapostola. Va vonile Mukutsuri wa vona, Loyi va nga n'wi rhandza, naswona va N'wi vonile a pfuxa hambi va ri vafi ku suka—ku suka esirheni. Va N'wi vonile a endla sweswo. Kutani va ehleketa leswaku, "Hi Luya a etteleke lahaya, wa titimela, esirheni, Yena n'winyi, mixo lowu." Swi tekile . . .

<sup>77</sup> Vanhu lavaya va nga N'wi vona a pfula mahlo ya mabofu, va N'wi vonile a yima lahaya naswona a twa mianakanyo leyia yi ri etimbilwini ta vanhu, "Xana U swi tivise ku yini," a va ta ku, "leswaku a va ri eku teni endzhaku ka Yena-ke? Xana U swi tivise ku yini-ke? Hikokwalaho ka yini a nga n'wi tivanga Yudas, Yudas a ta—a ta N'wi xenga-ke? Hikokwalaho ka yini A nga swi tivanga leswaku masocha a ma ri eku teni le ntshaveni, na timhandzi na matlharhi na hinkwaswo, ku ta N'wi kuma, loko ku ri leswaku A kota ku vona mianakanyo ya vona-ke?"

<sup>78</sup> Wa vona, javulosi a ri karhi a tirha eka vona, a va veka etaleni ra nkuma, hikuva a va lava ku va nyiketa vumbponi bya leswaku "Ndza swi tiva." (Ku nga ri "Ndza vhumbha" kumbe "kumbexana swi tano.") "Ndza swi tiva! Ndza swi tiva!"

<sup>79</sup> Nakona tsundzuka, mindzingo liya yi tisiwa ehenhla ka wena hi ndlela leyi fanaka, leswaku u ta ka u nga vuli leswaku, "Kunene, kumbexana Leswi swi lulamile, kumbexana Matsalwa ma ntiyiso, kumbexana ku horisa ka Vukwembu ku lulamile, kumbexana Moya lowo Kwetsima wu lulamile." Kambe loko u kuma ntokoto luwa kutani u suka etaleni rero ra nkuma, kutani u kuma nhlavutelo wa Xikwembu, hi nkhuvulo wa Moya lowo

Kwetsima, u nga kalakala, “Ndza swi tiva leswaku Mukutsuri wa mina wa hanya, hikuva U hanya endzeni ka mina!”

<sup>80</sup> Petro u te, “Ndzi ta ya eku phaseni ka tihlampfi.” Vaapostola va ku, “Ndzi pfumela leswaku ndzi ta famba na wena.” Kutani a va ri etaleni ra vona ra nkuma, ehansi lahaya exikarhi ka lwandle, naswona khombo ri ri karhi ri ya emahlweni hi ndlela leyi a ri ri hakona. Nakona ndzi nga ha twa un’wana wa vona a ku, “Oho, xana swi nga humelerisa ku yini, Petro? Xana swi nga va nchumu wo tani hi walowo njhani leswaku Wanuna wo kotisa luya a nga fa-ke? Xana A ta vekiwa njhani esirheni hi ndlela leyi A ri xiswona-ke? Xana A ta swi yimerisa ku yini ku va pfumelela va phela marha exikandzeni xa Yena na ku va kokela malevhua ma yena ehandle, va tlhandleka harhi liya enhlokweni ya Yenake? Xana A ta swi endlisa ku yini sweswo, oho, kutani a tama a ha ri Xikwembu-ke? Ntsena a ndzi swi twisisi.” Oho, i ku xumbadzeka ka njhani!

<sup>81</sup> Kutani hi xitshuketa, va langutile ehenhla eribuweni, ntsena muxaka lowu fanaka wa nhlavutelo lowu Yobo a nga wu kuma, kwalahaya va vonile leswi Yobo a nga swi vona eka mune wa magidi ya malambe le ndzhaku. Kwalahaya a ku yimile Mukutsuri, a ri karhi a hanya na ku va lontshwa, a yimile eribuweni. A ri na ndzilo wu endliwile, na hlampfi yi swekiwile ehenhla ka wona kukotisa sweswo, kutani a ku, a va rhamba.

Yesu u ni tafula leri andlariweke  
 Laha vakwetsimi va Xikwembu va  
 phameriwaka kona,  
 U rhamba vanhu va Yena lava langhiweke  
 “Tanani mi ta dya;”  
 U phamela hi mana ya Yena  
 Nakona u hi phakela swilaveko swa hina;  
 Oho, swa, tsokombela ku dya na Yesu nkarhi  
 hinkwawo!

Hilaha hi nga ehleketa sweswo hakona, hilaha swi nga teka swilo leswiya swikulukumba hakona!

<sup>82</sup> Hilaha sweswo...Paul muapostola, muapostola luya lonkulu loyi a nga hundza eka nkarhi wa yena wa khombo loko a mbhoniyerile rifu ra Stefano; nakona u vonile xikandza xa yena lexintsongo xi langutisa ku kongoma eTilweni, naswona maribye a ma ri karhi ma n’wi ba exikandzeni, kutani a langutisa ehenhla a ku, “Ndzi vona Matilo ma pfulekile. Ndzi vona Yesu a yimile evokweni ra xinene ra Xikwembu.” A ku, “Hosi, u nga veki xidyoho lexi ehenhla ka vona.” Nakona Paul a khomile mikhanca, leyi nga n’wi veka etaleni ra nkuma eka mavhiki endzhaku ka mavhiki, a ri karhi a ya emahlweni na le ndzhaku; kukondza, miehleketo ya yena yi thyakisiwa, kukondza a va endleleni ya yena yo rhelela eDamaska, ku ya ringeta ku ya

Iwisa ndlela yo humela ehandle, kukotisa wanuna loyi a yaka eka bodlhela ra whisky, ku ringeta ku nwerisa gome ra yena.

<sup>83</sup> A ri exikarhi ka sweswo, loko ku ta Rito ku suka eTilweni, Rivoni lerikulu ro hatima ri ku, “Saul, Saul, u Ndzi xanisela yini?” U N’wi vonile. U N’wi lemukile, leswaku A ri Yesu la pfukeke, Yena la nga n’wi mbhoniyela loko a fa, a pfuxiwile nakambe.

<sup>84</sup> Oho, ndzi nga ha tsundzuka vutomi bya mina n’winyi, epatwini ro rhelela eku onhakeni, loko ndzi ta twa Rito ro tsokombela, “Hi mina Yesu. A ndzi file, Ndza hanya hi masiku na masiku. Hikuva Ndza hanya, na wena u nga hanya.” Ku sukela nkarhi walowo, ndzi nga tlhandleka volo ra mina eka ra Yena, ndzi N’wi tshembhile ku hundza eka tindhawu to dzwihala. Loko minkarhi yi ta laha ndzi nga kotiki ku vona, leswaku i ndlela yihi ndzi yaka eka yona, ndzi tama ndza ha N’wi tshembha.

<sup>85</sup> Mupfumeri un’wana na un’wana wa Mukreste u fanele ku susumeteriya eka mindzingo yaleyo. Mupfumeri un’wana na un’wana wa Mukreste u fanele ku vekiwa etaleni ra nkuma, leswaku a ta humelela na ntokoto, “Ndza swi tiva leswaku Mukutsuri wa mina wa hanya!”

<sup>86</sup> A hi ti lahawani mixo lowu ntsena ku ta tshama kutani hi vulavula hi mayelana na mhaka yin’wana ya matimu, lawa hinkwawo ya nga ntiyiso, kambe hi ta lahawani na vumbhoni mixo lowu, “Ndza swi tiva leswaku Yesu Kreste i N’wana wa Xikwembu, ndzi swi tiva ku hundza ndzhuti wihi na wihi wa ku kanakana! Ndza swi tiva leswaku U pfukile eku feni, naswona Wa hanya endzeni ka mina namunthla. Yena i wa mina na mina ndzi wa Yena. Ndzi mudyandzhaka-kulobye na Yena, eka Mfumo wa Xikwembu.”

<sup>87</sup> Paseka! Paseka yi tisa nchumu wa kahle, ku pfuka, ntshembho lowuntshwa. Xana u na wona mixo lowu-ke? Xana wu le mbilwini ya wena-ke? Xana wa swi tiva leswaku Mukutsuri wa wena wa hanya, naswona U endla swilo hinkwaswo swi tirhisana swin’we-ke?

<sup>88</sup> U ri, “Makwerhu Branham, ndzi tshamile lahawani, ndzi rindzerile layini ya xikhongelo.”

<sup>89</sup> Xikwembu xi le ku tirheni ka sweswo ntsena hi ku kongoma eka vunene. Hikokwalaho ka yini xifanyetana lexiya xo hlawuleka, siku rin’wana, xi biwile hi vubofu loko xi tswariwa? Leswaku Xikwembu xi ta kuma ku kwetsima kutani xi hundzuluxa doroba ehenhla ku ya ehansi. Kunene, Xikwembu xa swi tiva leswi Xi swi endlaka. Xikwembu xa swi tiva. Nakona Xi hi veka etaleni ra nkuma, ku endlela ku hi kombeta ku kwetsima ka Xona.

<sup>90</sup> Swingaleswi, mixo lowu ndzi vula leswi, munghana. Endzhaku ka makumenharhu-nharhu wa malembe ya ministri,

endzhaku ka makumenharhu-n'we wa malembe ya micingiriko ya nsimu, ndzi lava ku endla vumbhoni bya mina eka leswi. Ndzi vonile ku xumbadzeka. Ndzi vonile nkarhi lowu ndzi nga kombela swilo, na ku rilela swilo, na ku kombela swilo, kutani ndzi tsandzeka ku swi kuma. Kambe loko ntsena ndzi nga rindzela hi ku lehisa mbilu eka Xikwembu, kutani ndza swi tiva leswaku swi tirha ntsena ku lulama hi ku kongoma, swi humela ehandle ntsena swi lulamile hi ku kongoma, swi endla ntsena nchumu lowu lulameke hi ku kongoma.

<sup>91</sup> Loko ndzi lahlekeriwile hi xihlangi xa mina, Sharon wa mina lontsongo, ndzi... walowo a wu ri nchumu wun've lowu nga ndzi khugula. Ndzi te, "Xana sweswo swi nga va swa vunene njhani-ke? Xana swi nga va swa vunene njhani-ke?" Kutani tin'hweti endzhaku ka swona, loko ndzi n'wi vonile a yimile lahaya eka vumburhi hinkwabyo bya nhwenyana lontsongo, a ri karhi a vulavula na mina, ndzi yimile ethlalo ka golonyi liya ya khale yi nga onhaka, lahaya. A ndzi swi tiva, loko a lo hanya, a ta va a hundzukile mubihi. Xikwembu a xi fanele ku n'wi teka loko a ha olovile na ku tsokombela. Ndza swi tiva leswaku ndzi ta tlhela ndzi n'wi vona nakambe. Ndza swi tiva leswaku ndzi ta n'wi vona, ndzi swi tiva ku hundza ndzhuti wihi na wihi wa ku kanakana.

<sup>92</sup> Ndzi ehleketa hi nsati wa mina wa makumembirhi-mbirhi wa malembe hi vukhale, la tekiweke, ntsena a ha ri nhwenyana, manana lontsongo lahaya. Loko maphepha ma nyiketa nhloko-mhaka ya mahungu lahaya, "Manana lontsongo, mufundhisi..., ntsena u file," oho, hilaha mbilu ya mina yi nga pfempfa ngati hakona! A ndzi nga tivi xo xi endla.

<sup>93</sup> Kambe namuntlhia ndza swi tiva leswaku hinkwaswo a swi tirhela vunene eka mina. Ndza swi tiva leswaku vutomi a byi fanele ku kandziwa, na ku soholotiwa, na ku kamiwa, ku kuma leswi endzeni ka swona a ku ri xiswona, ehandle. A ku ri na Branham wo tala ngopfu lahaya, a fanele ku kameriwa ehandle loko Xikwembu xi nga se titivisa Xona n'winyi.

<sup>94</sup> A ku ri na swo tala swa wena eka wena, kukondza Xikwembu xi boheka ku swi kamela ehandle, hi mindzingo. Nakona loko ku kamiwa lokuya ku ri karhi ku ta, swa nonohwa. Kambe endzhaku ka nkarhi, swibakabaka swi pfulekela endzhaku, kutani u vona xikongomelo xa Xikwembu. Kutani u rila, "Ndza swi tiva leswaku Mukutsuri wa mina wa hanya, nakona U ta yima hi masiku ya ku hetelela emisaveni! Hambiloko swivungu swa nyama swi onha miri lowu, hambiswiritano ndzi ta vona Xikwembu ndzi ri enyameni ya mina!" Mindzingonyana leyin na swin'wana i swa xinkadyana, nakona swa hangalaka na ku hundzela ekule. Kambe ntsena swi endleriwa vunene bya wena, a hi tsundzukeni sweswo, leswaku Xikwembu xi ta kuma ku kwetsima.

<sup>95</sup> Hi nga korhamisa tinhloko ta hina ntsena xinkadyana. Ndzi lava ku vutisa, ku nga se va na xikhongelo, xana ku na wihi kumbe wihi lahwani loyi a nga tsakelaka ku tsundzukiwa eritweni ra xikhongelo loko hi nga se pfala-ke? Xikwembu xi ku katekisa. Xana i vangani lahwani va nga vulaka leswaku, “Ndzi lava Xikwembu, eka awara ya ndzingo wa mina sweswi, ku va xi ndzi nyiketa ntokoto lowuntshwa, leswaku ndzi ta humelela ndzi ri lontshwa nakambe-ke”? Yimisa voko ra wena, u ku, “Ndzi lava—ndzi lava leswaku leswi swi va ku pfuka eka mina, Paseka, ku ndzi pfuxela eka mintshembho leyintshwa na matimba lamantshwa, rihanyo lerintshwa na ntsako lowuntshwa.” Hosi yi mi katekisa, vanhu va mina lava rhandzekaka.

<sup>96</sup> Oho, Xikwembu xa hina na Muponisi wa hina, hi khensa swinene eka Wena hikwalaho ka Paseka leyi, eka leswi yi vulaka swona etimbilwini ta hina. Nakona hi ripfumelo, ehenhla lahaya, ku tsemakanya tiko, hi nga ha vona ku Vuya ka Hosi, Yesu, tani hi leswi A tilulamiselaka sweswi, a ambalaka tinguvu ta Yena ta vuhos. Naswona, Kereke yi le ku ambaleni, Muteki u le ku ambaleni ka nguvu ya Yena ya mucato. Ku lava ku va na nhlengeletano leyikulu ku nga ri khale.

<sup>97</sup> Tala leri ra nkuma ri nga ka ri nga yimi hi masiku. Loko hi ri karhi hi twa vanhu va hleka, va endla mafenza hi hina, na ku hi vitana hi vito leriya ro khunguvanyisa ra “vavumbuluki vo kwetsima,” na ku endla mafenza hi hina, na ku vula leswaku a hi na dzanu ra kahle, oho, a swi nge tshami nkarhi hinkawo, Hosi. Kambe hi pfumeleli hi va tani hi Yobo, hi khoma vumbhoni bya hina, hi pfumeleli hi va tani hi Daniel ekheleni ra tinghala, kumbe vana va Vaheveru ekheleni ra ndzilo, kumbe Abraham erendzweni ra yena.

<sup>98</sup> Hi pfunе, O Hosi, ku yima hi ntiyiso kukondza hi vona nchumu luwa wukulu wu teka ndhawu, “Loko mhalamhala yi ta chaya, kutani lava feleke eka Kreste va ta pfuka; hina lava hi hanyakna ku va hi sele hi ta cinciwa, hi xinkadyana, hi ku copeta ka, tihlo.” Kutani ku ta ta Paseka liya eka hina, leyi Kreste a nga tiphina hi yona eka khumenkaye wa madzana ya malembe lama nga hundza emixweni lowu, kutani a ku, “Hikuva Ndza hanya, na n’wina ma hanya.”

<sup>99</sup> “Yesu la fanaka, la nga tekeriwa ehenhla ku suka exikarhi ka hina, u ta vuyela endzhaku ntsena hi ndlela leyi A nga famba hi yona.” Hi ta N’wi vona, hambi ku ri xivati xin’wana na xin’wana evokweni ra Yena na nkandziyiso wun’wana na wun’wana wa mutwa enhlokweni ya Yena. Hi ta N’wi vona.

Oho, ndzi ta N’wi tiva, ndzi ta N’wi tiva,  
Nakona ndzi ta yima etlhelo ka Yena ndzi  
kutsuriwile.

<sup>100</sup> Ina, Hosi, mbuyangwani mbilu ya mina, tani hi leswi miri wa mina lowu wo tsana wu sungulaka ku voyamela ehansi ka

ndhwalo, ku vilela na ku tikarhatlela masimu ya ntshovelo, masimu ya vumixinari, na ku ya ehenhla na le hansi, na ku honisa exikarhi ka tiministara to tikukumuxa, na swin'wana na swin'wana, ku tsemakanya ndhawu, na vanhu va ri karhi va sapatela, na matimba lamo biha. Kambe, O Hosi, siku rin'wana hi le ku teni kukotisa Eliya, ku rhelela enambyeni; ho langutisa ehenhla lahaya, leyi paniweke na xihlahla xin'wana na xin'wana, golonyi ya ndzilo leyi nga ta hi longa hi ya ekule. Hi pfumeleli hi swi tiva leswaku matala lawa ya nkuma mo va ntseña swifunengeto swo hi fihla eka nchumu luwa wukulu lowu ntseña wu tshameke emahlweni, ku kwetsima lokuya kukulu.

<sup>101</sup> Ingaku hi nga tshama hi ntiyiso kukotisa Yobo, kukondza hi N'wi vona, nghohe hi nghohe. Ingaku hi nga va na ntiyiso swonghasi tani hilaha Hosi ya hina a yi ri hakona, tani hi xikombiso xa hina, ku ya eKhalivhari; na hina, hi va hi lulamerile ku vambiwa, na ku vambiwa na Yena, leswaku ku ta va na ku pfuka evuton'wini bya hina. Hi nyike swona, Hosi.

<sup>102</sup> Ingaku, loko ku nga va ku ri na vasapateri lahayani, lava a va kotisa Paul wa khale, loyi a nga endliwa mafenya, ingaku va nga kuma Paseka epatwini ra vona ro ya ekaya mixo lowu. Hi nyike swona, Hosi.

<sup>103</sup> Ha khongela, Hosi, leswaku lava va nga etaleni ra nkuma ra ku herisiwa, tala ra nkuma ra vuvabyi, leswaku leyi yi ta va awara leyi va nga ta ntshuxiwa.

<sup>104</sup> Vusiku lebyi nga hundza, ndzi ri karhi ndzi vulavula na wansati luya lontsongo ehandle exigolonyanini, na nuna wa yena; hilaha lahaya ePhoenix, eka xiyimo xo biha, na timfukuzani letiya tikulu a etlerile ehenhla ka toni lahaya, nakona sweswi namuntlha u horile hi ku hetiseka na ku va wa ntolovel. Nakona xihlangi lexintsongo lexi a xi ya eku humesiweni ka mbilu ya xona, xi tshamile kwala muakwini mixo lowu, xi ri xa ntolovel, xi horile. Xifanyetana xa bofu lexi xi nga tshama xi famba emunyameni na ku va xi nga se tshama xi vona ku vonakala ka siku, xa famba namuntlha naswona xi vona ku vonakala ka siku. Nakona, O, Xikwembu, hilaha hi Ku khensaka hakona eka leswi! Nakona hinkwaswo i ku langutisa ku hundza xifunengeto, eka siku leriyi rikulu ra ku pfuka. Hi nyike swona, Tatana. Nakona u va pfumelela va swi tiva leswaku swilo leswi a swi fanele ku va hi ndlela liya, leswaku lava: xifanyetana xa bofu xi ta kota ku vona, leswaku n'wana lontsongo loyi a nga na ku karhateka ka mbilu a ta nyiketa vumbhoni eka van'wana. Hinkwaswo swilo leswi swi tirhisana swin'we hi ku rhendzeleka hi vunene eka lava Ku rhandzaka.

<sup>105</sup> Hinkwaswo swi endliwile leswi kotekaka eka hina hikuva a ku ri na Loyi a nga yingisa eka ndzingo, a ku ri na Loyi A nga yimela ku ringiwa, yaloye a ku ri Yesu. Loyi A ri na ku yingisa swinene eka Tatana, kukondza Tatana a N'wi pfuxa emixwени

wa Paseka, hikuva a swi nga koteki leswaku A nga khomeletiwa hi rifu. "Hikuva Ndzi nga ka ndzi nga pfumeleli Mukwetsimi wa Mina A vona ku bola, naswona Ndzi nga ka ndzi nga siyi moyaxiviri wa Yena etiheleni." Hikuva, U kumekile a tshembhekile, hi minkarhi hinkwayo a endla leswi swi tsakisaka Tatana.

<sup>106</sup> Xikwembu, ingaku hi nga tshama hi tshembhekile eka phuphu ya ntirho wa hina. Swi nga ri na mhaka leswaku mindzingo ya hina i yini na makhombo ma hina, swin'wana na swin'wana, ingaku hi nga kota ku vula, minkarhi hinkwayo, "Ndza swi tiva leswaku swilo hinkwaso swi tirhisana swin'we hi vunene eka lava rhandzaka Xikwembu." Hi nyike swona, Tatana.

<sup>107</sup> Hi katekisa vanhu lava mixo lowu hi mikateko ya Wena. Va vindzukile va ta ku suka etindhawini ta vona, va tile etabernakeleni. Va tile ku ta kuma ku chaveleriwa. Ingaku va nga ya ekaya mixo lowu, ni Matimba ya Moya lowo Kwetsima ma ri karhi ma pfurha etimbilwini ta vona, va famba ku longoloka hi patu kukotisa lavaya a va huma eEmaus, va ri karhi va ku, "Xana timbilu ta hina a ti pfurhangga endzeni ka hina, loko A ri karhi a vulavula na hina ku longoloka hi ndlela-ke?" Hi nyike swona, Tatana. Ndzi va nyiketela eka Wena sweswi, hi Vito ra Hosi Yesu Kreste. Amen.

Swi lulamile, Makwerhu Neville. Kutani sweswi mi tsundzuka swikhongelo.

<sup>108</sup> A hi nge vi na makhadi ma xikhongelo mixo lowu, hikwalaho ka leswaku, loko hi va na makhadi ma xikhongelo, ntsena loko ndzi endla leswaku vanhu va yima lahwani kukotisa sweswo, ndzi ta tama ndza ha tshembhela eka nyiko liya. Ndzi fanele ku va na ndhawu kukondza ndzi veka yaleyo etlhelo, laha ndzi nga ta ya ehandle lahwani nakona ndzi kota... Ndza chava. Ndzi tikomba ndzi chuhwile, nakona ndza chava leswaku ndzi ta endla xihoxo. Ku lahlekeriwa hi ku lwa, a hi ku lahlekeriwa hi nyimpi. Patton u lahlekeriwile hi ku lwa kungari-kungani, kambe a nga kalanga a lahlekeriwa hi nyimpi. Sweswo swi lulamile. Nakona hi ta lahlekeriwa hi ku lwa ko tala, na hina, kambe a hi nge lahlekeriwi hi nyimpi. Ndzi ta endla swihoxo swo tala, kambe a ndzi nge lahlekeriwi hi Xikongomelo. Xikwembu xi yi nyiketile, naswona Xikwembu xi ta yi hlayisa. Yi le ku—yi le ku toteni. Kutani sweswi i nkarhi, ndzi pfumela leswaku awara hi yona, naswona ndzi le ku sunguleni, ku va ku ri siku ra Paseka, ndzi ya eku fambeni—ndzi ya eku fambeni hi ku longoloka kukotisa hilaha ndzi nga endla hakona lahayna ndzi ri karhi ndzi khongeleta vavabyi. Kutani loko ndzo kota... Yi le ku toteni. I nchumu wun'wana lowu faneleke ku humeleta endzeni ka mina. A ndzi wu tolovelanga ngopfu. Wu ta hi ndlela yo tano, ndzi nga ha tsandzeka ku wu kumisisa hi ku lulama, kambe ndzi fanele ku ya eka wona kukondza ndzi wu tiva nkarhi hinkwawo.

Swingaleswi leri ri ta va siku leri ndzi nga ta ringeta, hi tintswalo ta Xikwembu.

<sup>109</sup> Hosi yi ku katekisa sweswi. Makwerhu Neville. Kutani swikhongelo swi ta sungula hi hafu ku bile awara ya nkaye. Makwerhu Neville.



*NDZA SWI TIVA* TSO60-0417s  
(I Know)  
HUNGU RA PASEKA

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo wa Paseka, Dzivamisoko 17, 1960, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)